

重修巢縣志序

夢齡以道光甲申春來令巢下車後檢閱邑乘則雍正八年所輯距今幾及百年事湮沒而失傳者不少矣時安省有通志之役檄令州縣各修志而災後迭告未遑議及明年夏雨潦為患秋則于役金陵丙戌丁亥間迭奉各上憲檄調鞠獄留滯郡會垣歲幾過半然暇輒留心蒐討有所聞見隨得隨錄今年春衙齋無事乃取舊志并抄本重加輯訂每卷脫稿即繕以付梓五閱月事竣昔人謂修史

巢縣志

卷之

序

一

有權修志無權設局分曹人私意見秉筆者拘牽衆議否則曲徇情面而志不可言矣是編皆手為註削棄取一本至公苟違志例即已載前志亦節刪不少假寧簡毋繁寧質無華至於補漏畧正譌訛斟酌盡善則甚望於後之有事茲土者

道光八年歲次戊子季冬之望知巢縣事調任鳳陽縣知縣激浦舒夢齡謹

重修巢縣志凡例

一巢志邑令鄒理修於雍正八年前此有于志馬志柳志而創始於宏治五年之林志其原書皆不可見惟鄒志存嘉慶八年邑令許肇封本鄒志重輯成帙未付梓令就鄒志及許志橋本而增損之同於原本者十之七異於原本者十之三

一舊志繪圖十五焦湖十景各圖不過墨刻山水何取於志今祇圖城池一圖疆域一疆域用開方法四至八到以里數計之庶輻員延袤一目了然

一星野爾雅次記及歷代天文志皆兼吳越或舉全吳

巢縣志

卷之首

凡例

一

而言即廬州一府已難指其在某宿幾度何論一縣修志者據拾天官家言陳陳相因殊覺詞費故此條竟附闕如

一地名古蹟易涉附會流傳即久以謠傳謠今間錄舊文而附按於後以俟攷又各類所編凡有鄙見論列前志所無者皆以按字別之

一凡見於歷代史及通志府志未經點竄者則注某書若已經刪潤及新增者則不注

一人物志皆據事直書不加褒貶略寓史裁其每傳末不書其子孫異於墓志碑碣也惟子孫另有傳則於

本傳書之舊志煩瑣概從刪節又或一人行與學兼
優政事與文章並美不能逐門分載唯以其最著者
為主他事亦附紀焉庶歸簡易且免掛漏
舊志人物分門太多今特為節刪如忠勲名臣官業
三項今分為二節義孝子德範尚義敦行義民六項
統為篤行一門而以明季諸生死難諸人并其首其
壽民舊入人物者今另列人瑞移附祥異之後
舊志選舉太雜今祇列薦辟甲科舉人貢生四項其
例貢監吏員出身擇其會歷任途有官可紀者附於
官業之後餘俱從刪

巢縣志

卷之首

凡例

二

巢湖雖界合肥廬江而巢縣轄其半濡湏塢今在無
為界而水之上流半在巢縣又東南四十里接含山
界有故東閘凡此不必皆巢界而史傳所載事跡寔
為本邑治亂所關不得從略至人物非土著及山川
不隸邑境者概不濫引

一列女先孝女貞女烈女次烈婦及已旌節婦皆以年
代先後為序其待旌節婦附於傳末既便檢附亦寓
書法

一職官署任例不登載其寔有功業於地方者仍附見
於名宦傳

一藝文有與原本稍異者因其文氣散緩或言不雅馴
略為點易並無斷鶴續鳧之病至詩歌詞賦無裨政
治各登數首以備一體

一舊志每卷用四言弁首既非志例且惟勦說雷同今
悉去之以昭質寔

一舊志分門類次序多未穩愜今悉依刊發省志章程
標題較為簡當

巢縣志


卷之首

凡例

三

巢縣志

城池圖



每方十里

圖




巢湖周圍四百餘里

樂縣志

圖

三



重修巢縣志目錄

卷首

凡例 圖

卷一

輿地志一

沿革表附

卷二

輿地志二

疆域形勢附

卷三

巢縣志

卷之首

目錄

一

輿地志三

山水風俗附

卷四

輿地志四

城署 市鎮 街坊 巷井 村堡 閘津

卷五

輿地志五

壇廟 寺觀 古蹟附

卷六

食貨志一

田賦 衛賦 雜課 官田 戶口 蠲賑附

卷七

學校志一

學宮附 學額 書院 義學 社學 射圃 學田

卷八

武備志一

兵制 馬政 驛鋪附

卷九

官爵志一

封爵表 傳附

纂縣志

卷之首

目錄

二

卷十

官爵志二

職官表 名宦傳附

卷十一

人物志一

選舉表

卷十二

人物志二

忠勲 官業附

卷十三

人物志三

篤行 文苑 穩逸 方技 仙釋 僑寓附

卷十四

人物志四

列女傳

孝女 貞女 烈女 烈婦 節婦 未合例貞

卷十五

藝文志一

文

卷十六

巢縣志

卷之首

目錄

三

藝文志二

詩

卷十七

雜志一

祥異 人瑞附

卷十八

雜志二

集覽

卷十九

雜志三

拾遺

卷二十

雜志四

辨訛

附錄

跋

巢縣志

卷之首

目錄

四

巢縣志卷一

巢縣知縣舒夢齡重輯

輿地志一

沿革

巢縣古巢國殷周為南巢為巢伯國

商書成湯放桀於南巢周書序巢伯來朝芮伯作旅巢命孔傳殷之諸侯不爵也竹書紀年武王十三年巢伯來賓

春秋時為楚屬國

春秋文公十二年楚人圍巢杜注巢吳楚間小國廬江

六縣東有居巢城

按左傳稱巢史記始稱居巢

巢縣志

卷之一

輿地沿革

一

漢為居巢縣屬廬江郡

漢地理志廬江郡故淮南文帝十六年別為國屬縣有居巢襄安九江郡有橐臯顧祖禹方輿紀要襄安故城在今無為州南四十里漢襄安縣治此引州志云此為漢襄安城舊置襄安巡司於此今仍曰襄安鎮隋之襄安縣即今巢縣也

後漢為居巢侯國

郡國志廬江郡領縣十四有襄安有居巢侯國注廣志曰有二大湖嘉慶府志云漢居巢屬廬江橐臯屬九江二郡以巢湖為界故居巢在湖南也劉昭於郡國志引

廣志云居巢有二大湖今無為州金繩寺南有古城跡相傳為居巢古城其左即巢湖其右即廬江白湖疑其地為是若今巢縣自在湖北寔橐臯地非古居巢也按與紀要無為州為古巢國

三國時初屬袁術後屬魏

吳志周瑜傳袁術欲以瑜為將瑜求為居巢長欲假塗東歸建安二十二年曹操次於居巢遂攻濡須次年軍居巢權在濡須口築城拒守操引軍還留曹仁等屯居巢

曹初為居巢縣屬廬江郡東晉後廢自漢至晉隸揚州東

巢縣志

卷之一

輿地沿革

二

晉隸豫州

晉地理志廬江郡統縣十有居巢襄安

按自東晉僑立郡縣而居巢之

名沒太元中即其地置新縣宋齊梁因之又按襄安在州南四十里唐巢州之城口鎮今無為州治即其地東

晉後廢於其襄安之名亦設隋開皇廢新縣改置襄安縣雖有襄安之名治非其故也大抵漢晉之襄安今無

為州地隋之襄安今巢縣地

宋齊時為新為扶陽屬南譙郡隸南豫州

宋州郡志南譙太守晉孝武太元中於淮南僑立郡縣領縣六有新扶陽城父南齊州郡志同惟城父在梁郡又隋志於襄安下注云梁曰新則梁之新當即宋齊志之晉隋時改置襄安者為巢縣地無疑以有紫微亞父

半場四鼎諸山可據也扶陽本在沛郡此為僑置唐時亦嘗析置此縣故址在州西北皆古巢地至城父見於兩漢地理志者春秋時古城父也其地在今亳州東南七十里宋齊志南譙之城父僑置者也其地疑在巢湖北境而劉澄之豫州記所云有巢湖者當亦指僑置而言矣

梁因齊制亦為蘄屬合州

梁改合肥為合州領郡八魏因之有南譙郡領縣二有蘄為南譙郡治詳魏書地形志

隋為襄安初屬廬州後屬廬江郡

巢縣志

卷之一

輿地沿革

三

隋地理志廬江即有襄安江云梁曰蘄開皇初改焉有龜山紫微山亞父山半陽山白石山四鼎山開皇三年罷天下諸郡始曰廬州煬帝大業三年改州為郡復曰

廬江郡

唐為巢州旋省為縣屬廬州隸淮南道

唐地理志廬州廬江郡上縣五巢上本襄安成德三年

置巢州并析置郡成扶陽二縣七年州廢省開成扶陽

以巢來屬東西四十里有故東關

按唐州有輔雄紫望上中下七等而廬州

及巢縣為上又隋郡皇時屬廬州大業時罷廬州為廬江郡唐高祖武德三年改郡為州仍存郡名故曰廬州

廬江郡

五代初屬揚吳後屬南唐

五代史職方表廬州梁唐時屬吳晉漢時屬南唐周乃有之置保信軍

宋初以巢縣無為鎮建為軍而屬焉其後或屬廬州或屬無為軍或升為鎮巢軍

宋史志太平興國三年以巢縣之無為鎮建無為軍尋廢淳化中復置軍屬淮南西路熙寧三年又析巢廬江二縣地置無為縣為軍治嘉慶府志云太平興國三年以縣地置無為軍其時巢縣治雖不在居巢而縣境猶兼居巢自熙寧析縣南為無為縣則巢縣之得古居巢

巢縣志

卷之一

輿地沿革

四

境蓋無幾矣宋南渡高宗紹興十一年縣屬廬州十二年還屬無為軍理宗景定三年為鎮巢軍治屬沿江制置使

元置鎮巢軍為縣屬無為州

元史地理志至元十四年升無為州為路二十八年降為州罷鎮巢州為縣以屬焉

明為巢縣屬廬州府無為州

明地理志以元廬州路為府領州二縣六無為州領縣一巢

國朝為巢縣屬廬州府不屬州領初隸江南布政使司乾隆

二十六年分隸安徽布政使司縣為簡缺

居巢考

古巢揚州之域太平寰宇記昔成湯放桀芮伯命巢即此地春秋楚人圍巢杜注廬江六縣東有居巢城故路史云故巢城在皖北六東此其大畧也秦置九江郡為橐臯漢高帝四年更九江郡為淮南國武帝元狩元年復故屬縣有橐臯廬江郡者地理志故淮南文帝十六年別為國屬縣有居巢襄安臨湖按九江國自高帝四年立英布為淮南王十年復以封皇子長文帝十六年分淮南地立淮南衡山廬江三國景帝四年徙廬江土

巢縣志

卷之一

輿地沿革

五

賜為衡山王而以為郡是廬江之置郡在九江後矣漢志橐臯居巢分屬二郡疑未立廬江郡時但稱橐臯班書特兩存之耳東漢九江郡省橐臯而於逡道注云左傳哀公十二年會吳於橐臯杜預曰在縣東南宋均傳注逡道故城在今慎縣南十道志慎縣本漢逡道縣隋書志慎東魏置平梁郡陳曰梁郡有浮閣山今山在橐臯北三十里為合巢之界去今巢城九十里而橐臯俗呼柘臯蓋因漢志注孟康曰音柘姑之誤耳然則橐臯固省入居巢矣郡國志注居巢侯國范增塚在郭東今亞父山去城東五里注又引廣志云有二大湖按水經

云沔水東北出居巢縣南注云江水自濡湏口又東左
會柵口水遵巢湖東逕南譙僑郡城南又柵水東南積
而為竇湖中有洲東出謂之竇湖口意赤烏未陷以前
湖本為二故路史云合肥巢湖云居巢陷者其一即竇
湖未可知也太平御覽劉澄之豫州記曰城父縣有巢
湖湖周五百里中有三山湖南有四鼎山今湖中三山
相去數十里而四鼎山在湖之北則御覽所云或有脫
誤又漢書地理志沛郡有城父注夏肥水東南至十蔡
入淮過郡二行六百二十里通志云城父縣在亳州東
南七十里今號城父鄉以此計之其道里適相符矣陳

巢縣志

卷之一

輿地沿革

六

壽三國不紀淪陷之說而濡湏東與請險要載之特詳
武侯出師表曰曹操四越巢湖不成當是時吳周泰朱
桓等督濡湏扼張遼滅霸等屯居巢未聞言橐臯也蓋
魏吳乃以巢湖為界耳又漢志沛郡領縣曰扶陽注侯
國莽曰合治宋書州郡志南譙太守晉孝武太元中於
淮南僑立郡縣曰蘄令曰扶陽令前漢屬沛後漢晉太
康志並無南齊志亦稱南譙郡領縣曰蘄曰扶陽梁時
南譙郡移治於蘄是知巢於南北朝為蘄而唐置扶陽
所自來矣隋書地理志於襄安注曰梁曰蘄開皇初改
焉有龜山紫薇山亞父山半陽山白石山四鼎山唐書